



Broj: 16-12-16-8342-6/20
I. Sarajevo, 0303. 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tač. d) i e) i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-8342/20 od 02.03.2021. godine, u postupku javne nabavke materijala za popravku komunikacijske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke materijala za popravku komunikacijske opreme za potrebe Državne agencije za istrage i zaštitu

Član 1.

Poništava se postupak javne nabavke materijala za popravku komunikacijske opreme za potrebe Državne agencije za istrage i zaštitu za koji je obavještenje broj 1161-1-1-316-3-1/21 objavljeno na Portalu Agencije za javne nabavke 05.01.2021. godine i u „Službenom glasniku BiH“ broj 5/21, iz razloga što nijedna od primljenih ponuda nije prihvatljiva.

Član 2.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 3.

Ova odluka objaviti će se na web stranici Državne agencije za istrage i zaštitu, istovremeno sa upućivanjem ponuđaču koji je učestvovao u postupku javne nabavke.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-8342-1/20 od 24.12.2020. godine pokrenut je postupak javne nabavke materijala za popravku komunikacijske opreme za potrebe Agencije, procijenjene vrijednosti 42.000,00 KM bez PDV-a, na period od dvije godine. Novčana sredstva za realizaciju navedene nabavke obezbjeđena su u okviru budžetskih sredstava za 2020. godinu, a na

osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni Glasnik BiH“, 46/20) i Dokumenta okvirnog budžeta 2021.-2023. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Agencije u 2020. godini (u daljem tekstu: Komisija) dostavila je Izvještaj o radu broj 16-12-16-8342/20 od 02.03.2021. godine sa preporukom o poništenju postupka javne nabavke materijala za popravku komunikacijske opreme za potrebe Agencije.

Obzirom da je tačkom 22. Tenderske dokumentacije navedeno da je rok za dostavljanje ponuda 26.01.2021. godine do 12,00 sati, te da se ponude dostavljaju u zatvorenoj koverti, Komisija je dana 26.01.2021. godine u 13,00 sati izvršila javno otvaranje ponuda prema datumu i vremenu prijema.

Blagovremeno je dostavljena jedna ponuda i to:

| Redni broj. | Naziv ponuđača | Vrijednost ponude (bez PDV-a) |
|-------------|-------------------------------------|-------------------------------|
| 1. | „MIBO komunikacije“ d.o.o. Sarajevo | 50.764,00 KM |

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja prihvatljivosti dostavljene ponude u smislu Pravilnika, te njegove kvalifikovanosti shodno uslovima navedenim u Tenderskoj dokumentaciji.

Uvidom u sadržaj dostavljene ponude Komisija je utvrdila da ponuđač „MIBO komunikacije“ d.o.o. Sarajevo ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno-pravne uslove iz Tenderske dokumentacije. Također, Komisija je utvrdila da navedeni ponuđač ne podliježe preferencijalnom tretmanu domaćeg.

Nakon pregledanja dokumentacije priložene uz dostavljenu ponudu Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 19. Tenderske dokumentacije, kako slijedi:

| Redni broj | Naziv ponuđača | Vrijednost ponude (bez PDV-a) |
|------------|-------------------------------------|-------------------------------|
| 1. | „MIBO komunikacije“ d.o.o. Sarajevo | 50.764,00 KM |

Nakon provedenog postupka ocjenjivanja Komisija je konstatovala da ukupna ponuda najpovoljnijeg ponuđača „MIBO komunikacije“ d.o.o. Sarajevo u iznosu od 50.764,00 KM bez PDV-a, premašuje procijenjenu vrijednost javne nabavke za 8.764,00 KM, odnosno više od 20 %.

Komisija je aktom broj 16-12-16-8342/20 od 26.01.2021. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom od 19.02.2021. godine, dostavio je Komisiji informaciju da ponuda navedenog ponuđača u značajnoj mjeri prevazilazi procijenjenu vrijednost javne nabavke i raspoloživi budžetski okvir.

Tenderskom dokumentacijom je bilo predviđeno da se za navedeni postupak javne nabavke materijala za popravku komunikacijske opreme za potrebe Agencije provodi e-aukcija. Budući da nijedna od primljenih ponuda nije prihvatljiva, odnosno da ponuđena cijena u značajnoj mjeri prevazilazi raspoloživi budžetski okvir, e-aukcija nije zakazana, nego se postupak okončao u skladu članom 69. Zakona.


Shodno naprijed navedenom, prihvaćena je preporuka Komisije i odlučeno je da se poništi postupak javne nabavke materijala za popravku komunikacijske opreme za potrebe Agencije, kako je navedeno u članu 1. ove odluke, a u skladu sa odredbom člana 69. stav (2) tač. d) i e) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 1x;
- Sektoru za mat.-fin. poslove;
- a/a.


DIREKTOR
GLAVNI GENERALNI INSPEKTOR POLICIJE
Darko Čulum